

兩朝從信錄

兩朝從信錄卷之十

秀水

沈國元述

壬戌

天啓二年

正月乙巳初一日午時

上御皇極門受賀在京文武官員及天下進表朝覲官等  
各具朝服齊赴行禮

禮部先一日具禮儀凡在外二品官列于在京三品官  
之後三品官列于四品官之後在京文武百官在外布  
按二司方面等官俱赴金水橋北所有運司知府以下  
俱赴金水橋南候  
皇上服弁升座內外大小臣工行慶賀禮錦衣衛鳴鞭  
鳴贊贊排班班齊鞠躬四拜興平身鳴贊贊跪鴻臚寺  
堂上官過中跪致詞畢起奏禮畢鳴贊贊禮畢錦衣衛  
鳴鞭

考察天下諸司

起葉茂才太僕寺漆註少卿

贈舊輔余有丁太傅廕一子中書

遼東巡撫王化貞謹述始末疏曰臣資望淺薄待罪巖壑

過蒙

聖恩凌躐非望受命感激誓以死報憤茲小醜必欲滅此而后朝食又見幾圉空虛四海騷動懼有他虞爲

國家憂而奴猜忌淫虐有必潰之理左瞻右顧有可乘之機河東之民倒懸望解其於水火吊民伐罪時不可失此

頌名思義  
凡人臣當  
如是

臣區區主戰之愚見也。十月以前，車騎甲仗，未能湊手，臣自不敢輕動。今中外協力，百事精備，兵亦足用。又水堅可渡，飄忽往來，進退如意。水解之后，則難圖也。東人絕望，胥向爲夷，幸而成功，誰與吾守？且奴將各處屯民，盡驅出塞。昨所趕耀州等處男婦計二十餘萬口北行，因聞鎮江之事，暫寄海州城外。男子不許挾貲，婦人不許纏腳，凍餓而死者，日相枕藉，嗟嗟此孰非

皇上之赤子乎。

皇上命臣爲巡撫，今遼人塗炭至此，又何撫之爲也。東望寶徽，徬徨中夜。一月之前，回鄉屢報毛文龍兵至鎮江，奴

發兵東往。臣不敢信。屢遣人偵之。所報畧同。臣思文龍前具稟云。冰結之後。奴必狂逞。當約寬毅之人共舉。幸勿拘寒暑不興師之說。今果有此報勢。不得坐視。不應傷忠臣心。因謀取海州以應策之吉。以書商之經臣。經臣報書亦謂虔誠。揆著得豫之震甚吉。亦使人有見獵生喜之意。因問臣進兵方畧。一一具對。于初二日。臣至鎮武。密行部署。次日。監軍道高出胡嘉棟皆至。嘉棟謂臣曰。此時寒甚。文龍或無如奴何。奴亦無如文龍何。奴兵雖東出。恐其中有詐。宜勿動。再偵之。臣服其老成。長慮。因論其稟。經臣且無來。該道亦回城。摠兵祁秉忠久病小愈。未能上馬。臣見其

古人有云  
將在軍君

羸弱憫之亦令回城調理時南路將領亦來會臣一一授  
以方略以師期未定令各回信地以須后命臣獨與高出  
馳赴西平與恩共劉渠兵議謂卽不能大舉亦襲殺牛庄  
之夷以奪賊氣以撤鎮江之師初五日接經臣書謂襲人  
者出其不意故能得志度賊此時準備已久未可以輕騎  
襲也大倣之法必三方齊備然后可等語經臣意在持重  
自是遠慮臣自不得不從之會薄暮偵者至海州有部夷  
七八千人皆無馬初一日選三千束去持挺徒行強半單  
棍其精騎三千皆駐牛庄臣詢之甚確因喜曰牛庄近易  
襲所畏者海州來援耳今海州步夷不能來若以輕騎間

命有所不  
受凡有  
于國家  
之可也  
撫恤探  
其算布  
定現情  
俱在廣  
惟我調  
奈何快  
使退只  
求見不  
算算不  
耳  
行師全  
秘而斷  
除如此  
制擊時  
機盡其  
一

道伏海州道中、以計誘牛庄之夷、使赴海州、吾潛兵躡之、  
中道伏起、前后夾攻、可大殲也、奴氣必奪、鎮江之旅必撤  
矣、問諸將誰敢往、有二驍將願往、請兵二千、不勝、願甘軍  
令、臣因傳明早西還、却暗召金礪等于鎮武、使以萬人往、  
監軍高出同摠兵劉渠命、臣旗鼓官傳稟曰、適細詢偵者  
及回鄉數輩、備悉彼中情形、幸先返、即當具稟經臺、仍議  
進取、不然是文龍獨為男子、而吾輩為婦人也、正具稟間、  
而經臣遣本房董良佐持諭帖責該道之依違、有厲辭、復  
下檄于摠旗、有危語、咨書及臣、反覆語難、恐挑釁速禍、臣  
不覺憮然、鎮道亦來勸、臣止回、臣嘆息謂鎮道曰、奴既東

顧必不能來、轉服兵汴、可幸無罪、此吾輩安息之時也、今日之事、真爲蛇反、顧不能、恐文龍與聚義之衆心灰意解矣、卽日西還、至盤山道中、復接經臣書、咨內有台駕歸矣、何以進、何以退、其于人必有詞也、而恐其以僕爲詞也、自承乏以來、爲樞部臺有所推敲、日來更甚、作已難矣、而何可更爲人詞也、等語、臣答之曰、昨日之事、台臺旣以吉筮報、又親督車騎、而爲貞后勳、所不感、台臺同心之雅者、非夫矣、旣至鎮武、胡道始有賊隱情、以誘我之疑、不可輕進、高道亦謂土兵且至、待其來、可以萬全、天氣甚寒、少俟數日當和也、因諭道稟台臺、且無來、而貞至西平一看、北至



西平奉台檄夾意西歸而仍欲以鋒營襲牛庄者蓋牛庄精騎三千奴恃爲當關虎豹設法誘而殺之奴中必震可以舒文龍之禍而高道以台檄語意稍峻懼而勸止貞是以廻台臺意主慎重道在相成貞豈以是爲懟封疆大計往覆商量貞嘗以之望鎮道况台臺乎議論不同貞自不敢輕進非爲台臺阻也今早見高道述道路之詞以爲高歸俟士兵耳接邸報見閣臣疏有經撫之可慮百不在地勢之隔而在意見之不同外既分水火之形內又分左右之袒此遼左深憂也念吾輩同荷封疆之重使廷臣以爲憂心亦何安貞懽欲彌縫之望台臺口角間稍斟酌貞必

不敢以不進之故語之台臺也。而高監軍亦遣人致稟曰：偵經臺荅我一札，及錄覆咨報書二稿，見小札中諄諄言其書咨，直是恐以阻進藉口，實爲萬不得已之情。蓋在地方，可以不必求明，而在裏料道，不敢不求明也。我愚千懇萬懇，惟望台臺相忘無言，直以未有此番舉動者，雖惡聲可以無反於台臺何損，益見台臺之大耳。等語。貞以此不敢問人一言，亦幾望上兵至，天氣漸和尚，及冰之未解也，而不意經臣有兵怠常玩屢報見虛之說，謂我之進。及今五次，而職不知誰爲此言，以誤經臣。經臣遂信之也。臣六月申，述三岔河勞師一次，道將無一從者。八月中，會同高監

軍赴柳河一次、九月中赴西平閱邊工一次、十月中查勘河上冰牆一次、皆以二百人自隨、此豈進兵者之所爲乎、經臣曾以避難之百姓爲臣進兵所過河進兵五次、而百姓之逃者一次乎、今賊實欲進、各備煤炒行裝、而從者皆裹餅餌以行、實不虞及河而止、進爲見可、止以知難、此亦何傷、不意經臣之汲汲自明、而乃以爲賊罪也、謂兵嘗玩而無成、又謂賊窺破伎倆、夫自有奴事以來三餘年矣、我之伎倆爲賊所窺者、豈待今日、賊小入小利、大入大利、而我并不以一矢相加遺、亦可不謂不玩矣、威安在耶、經臣謂賊快快而歸、實有之若、謂鎮道力持不可、則誣鎮道甚

矣至謂南路軍兵饑凍徃徃有怨言臣敢謂無但衆半係  
單裋畏寒拳曲然遠至鎮江不敢怨今南路兵至鎮武不  
過五十里卽有怨言養兵何用給之皮襖欲何爲乎經臣  
止知將士之畏戰而怨不知其因不戰而怨者聲更多也  
經臣謂前疏拿定主意之言皆言言下藥臣必欲滅賊正  
是拿定主意至進止機宜變于俄頃何可預執若必欲遵  
一定之畫守不易之局則必兵至三十萬三方竝進恐無  
復滅賊之期矣經臣謂臣屢進屢退爲見戲爲見虛夫奴  
不嘗屢進屢退乎乃一進則不可禦豈奴之見戲爲見實  
而取之見戲獨見虛耶經臣謂今日實不能進或謂臣之

不堪與進耳。若謂奴不可當，我兵不可用，臣不敢以爲然。經臣憂賊窺破而欲來，夫前此奴固未嘗來矣，今終日言戰而奴反不來，則知奴或別有所窺，不在我之屢進屢退也。臣嘗語經臣曰：譬之奕然，公固固手而使愚者當局，宜不能如公意。今進旣不能退，又不可，徒使臣跼蹐而不敢一下手，臣滋苦矣。臣今與

陛下約，臣在國家如雙鳬乘鴈，何足有無。臣願請兵六萬，今願以六萬進戰，一舉蕩平。臣不敢貪天功，但願從征將士厚加叙賚，遼民

賜復十年，海內除去加餉，而戰歸老山林，爲太平逸民，于

願足矣。卽有不稱，亦必殺傷相當。奴不復振，保不爲河西憂也。稍需時日，經臣以三路蹙之，滅奴必矣。臣又願與經臣約，怒蛙可式，無摧戰士之氣，勞辛可念，無灰任事之心。但過河之后，將士有不能破奴而逃回者，盡殺之。其軍前機宜，許臣便宜從事。若一切指揮，又責將士待報而後行，則無幸矣。奴之破滅，皆以蒞蘆先登守者，卽紛然逃散。其臨陣以木夾前驅，將士望而奔潰，此中國之羞也。我實未與奴戰，而言奴不可與戰，是惑也。無論封疆利害，卽臣螻蟻之生，亦知受惜，肯輕試不測之淵伏乎。

皇上勅下兵部覆議。如以臣言爲不可行。願罷臣。或削去今官。仍舊以道臣管事。軍旅之事。專責經臣。庶得一意圖賊。不至爲臣所撓亂也。

經畧熊廷弼亦上言撫臣自許六萬進戰一舉蕩平懇乞聖明亟如撫臣約乘米急進免使兵因不戰而怨併亟罷臣以正摧戰士之氣灰任事之心之罪

禮科都給事惠世揚請廣制額疏曰竊惟在昔虞舜卽位  
首闢四門故旁搜俊乂畢竟爲

聖主第一善政我

國家創制立法雖三途並用大抵尤歸重南宮一選。二百

聖主龍飛  
請原制師  
在廷皆能  
言要使政  
典則真才  
而益重士  
品求新運  
而張北思

年來經文緯武之臣十九由此途出上既視此典嘉重而士亦翕然望之爲重卽絕倫之才終以不得身與斯選爲恨而天生賢杰亦非此進士一網所能盡取是以每科比諸士就試期迫禮臣必循故事請增其制今

皇上龍飛聖主覃恩誕布靡人不沾豈其于計偕多士而反靳之當此虞門初闢必有一番非常之收以昭

聖主廣被之澤矧于鄉舉已荷

皇上弘恩各增其額有差夫鄉舉旣加于往例勢亦不能不廣制科以登進之有頃禮臣自宜執

新恩浩蕩額外乞恩按



皇祖近年如癸丑丙辰巳未制額俱定于三百五十人其  
在今日鄉舉之監數自合疏通推

新主之覃恩斷當破格增額而進至四百餘人諒聖明必  
無難色願臣等備員禮垣例得與聞切思進賢

大典且謂推恩而用何如因才而用與其下先爲設不如

上先爲施從來泰運何常但有人事以導迎之則氣化若

自蔚而漸開而天下蒸蒸治臣等考宋太平興國之際魁

星燦燦多士彙征惟時入彀者至五百餘人其初亦不過

欲廣登庸跨晚近何常遂揣夫天地將交而拔茅茹以其

彙自是貞吉之象究之一榜果稱得人有如呂蒙正張齊

賢等英才輩出，相與內調玄化，外靖胡氛，而一時治化旁流，遂亘絕近古。

皇上寶籙初登，治機方啟，趁此多士鼓翅之時，四網羅之，不使宋之太宗專美于前，定以五百名之制，暫行一科，以觀雲龍之會。以迓治平之來，安知無命世之才，遘會乘機，匡時翼運，群賢出隱，竟成治徵。

新天子向明而治，一代芳規，此爲最上斷而行之，惟

皇上之所命之，若猶是拘方泥格，躊躇于氣運之轉，未必由人，賢才之生，難盈此數，亦須于近額三百五十名之外，大增其數，決非僅僅再加四五十名，便是厭群情而應景。

運

聖意斟酌固自飽滿更宜早渙

明綸使深山窮谷莫不知

新主臨軒大張羅網以蒐群英風聲所播賢哲競奮舉多年約結之氣一旦發舒野無遺佚之嘆國迎滋至之休勿或

傳宣後時直至乞請之章屢

上乃始倉猝報可何求何應

懿旨未宣徒令薄海內外謂今

上覃恩卽至胥吏尉宦之賤猶然下究故是科禮闈選士

實才之極  
思

亦得推廣此意。慨沐洪波。夫此思皇多士。

聖主所倚爲王國之禎者。乃亦勉引施恩之例。以求假推惠之名。而進士方僂首希榮。而兩間之英華。不削自盡。千載太交之期。祇以嗟一時之賚予。而

上無定命。下有倖心。真才因而短氣。

盛典爲之不光。斯亦臣等不能先事開陳者之過。用是早計披誠仰求。

世士務重

聖明裁察。速勅該部覆議定奪。至于賢路宏開。濫觴爲慮。則夫今次科場簾之內。與外規制。又新隄防。更密容。臣等酌昔准今。另議條。

上斷不敢苟且踈畧負此

昌辰貽前之羞滋日後之悔矣

遼撫王化貞揭明用虜之故

揭云朕聞邇報見吳北陽夏滿山二老道長各有疏言遼事大意在撫重不宜輕戰憂深慮遠可謂蓋哲之極思也成之石萬也負不佞敢不佩服人言西虜助兵費許多要結許多金幣其後路堅難填要扶念甚恐桀驁有過于奴酋又謂唐以前詔攻土著而唐竟滅之于南詔宋以女直滅契丹而宋竟滅于女直二代用夷服鑒不遠無異引虎以自衛况陽向陰背假奴酋以窺利未可知目前費賞百萬如投無當之管等語朕讀之不勝寒慄除遣戰一節貞屢以爲言不過乾乾彼已情形言之耳上有廟算下有會謀朕自不敢獨行其意而用虜一着實起于不敢不服罪方遼瀋之陷西虜乘機搶掠涉領高平軍民逃散人心洶懼朕日遣使謂之日吾且西從未與開絕鈔先問之固遣使要我無西即許納款答以花之役屢款不暇今一旦輸情故乘機羈縻如賞銀三千六百餘兩而定

義  
得靖  
虜亦有志

盟以去人始有固志虎賁兇慙遣其貴人桑阿思塞等來  
詢我因言共殺奴款血爲誓其時正欲借其聲援因而賞  
銀一千兩爲乾糧之費受約而去抄花間之亦率其五大  
營來言助兵亦領乾糧銀一萬兩留喉騎爲我哨探要有  
斬獲當時諸大老皆言得虜不合于奴雖重賞不惜勇應  
之曰審時度勢不得不出于此貞以身任此料日後彈文  
少此一條不得此用虜始末亦因其勢而用之無費許多  
要結熬入大營領去銀萬兩小反青領銀二千抄花五大  
營領銀一萬抄花等增新賞四千餘兩益以終前歲如慙  
賞之句分外表使往來摘享及賞有功之夷不過數千通  
計三萬餘兩一一皆有藉記亦無敢輕百萬于無當之管  
想告者過也慙之用虜原非得已黃泥窪一帶遠隔境外  
非我兵所能守而抄花之部落在焉我不利用爲奴所用  
耽耽曾云慙遠而難恃可保其不合于奴抄花而貪利今  
與之約可保其不爲奴用也蓋奴入遼陽曾遣西虜于卜  
思亥借助奴兵三千殺傷數百故索饋耳非抄花也慙爲  
虜帝忿奴之不共欲滅奴之心殊銳于吾故先遣使來言  
其視奴如以山壓卵非所畏若謂持兩情及不利于我則  
樂遼瀋之所介馬而馳何畏于我尤俟吾與奴相持然後  
就中取利耶惟是謂

堂堂天朝方欲鞭撻四夷不宜借力于虜則耻聞命矣除  
抄花駐養善木去邊可二百里其北慙部夷先到五千后  
到一萬尚有二萬將到其慙率大部阻雪未至此時謝絕  
尤未為遲彼一時也虜不得不用此一時也虜可以不用  
但奴之防我止以精騎三千駐牛庄其駐海州者昏夷部  
也乃黃泥窪却用精騎八千以此知即不用虜不可無此  
虛聲也謹揭

起孫居相光祿寺添注少卿

廕戚太保繼光子錦衣衛指揮使世襲

享太廟遣官朱純臣吳汝微分獻

吏部司務孫學詩上書輔臣請免西蜀加派

給事中侯震陽奏曰竊惟遼事之壞向不敢一叅末議戒  
勞撓也今事急矣經臣撫臣念見乖張各已明告君父奉

保公一疏  
苦為安頓  
今于處分  
置此不勝  
亦別無生  
計矣

旨會議處分實着乃紛紛尚主調停欲兩存之其敗立見  
臣亦有心能茹而不吐乎然臣會議之日猶謂兩臣公案  
當就兩奏疏折之一主戰一主守一主任一主推任者業  
以身許遼雖成敗之數未能逆覩無可詰問也惟是經臣  
去留關係匪細謂宜

特旨傳諭專問經臣毋以必難供之兵餉強責中朝止將  
現在十二三萬認真訓練進止遲速惟其所裁不從中制  
能終始全局不負

國恩遂撤去撫臣一以付之如其不然明白回話以聽議  
處收拾殘局專任撫臣此敢立議之大端也此時尚不知



樞臣張鶴鳴與科臣甄淑劉弘化並有相駁疏語頗多激烈噫鶴鳴以議經臣之人亦復效經臣意氣乎古來真正豪傑能定大難成大功者諒不出此既有此番饒舌度其覆疏決不能明白處分一了百當再覆再議決于何時又見部臣徐大化疏論廷弼要多激烈廷弼見之決不肯再留關外即詰問不亦能待

請直陳安頓之法以祈

皇上之立斷撫臣王化貞之不可更也謂其得遼士心而用虜一着雖不可恃亦不可廢也或矯爲去撫以就經者此非真實語也然能保進戰者之必勝乎既不能保能聽

經臣擅自解免乎故宜留置近地以防意外其平日威望猶足以懾奴志而牽李永芳議者因欲移之關上與化貞畫地而任臣又斷以爲不可兵家呼吸相通既知其不可合也而分又安與其既分也而合力以濟若左右手乎此難爲居外者任職也臣謂宜移廷弼于密雲出本兵爲經畧而行邊之舊樞仍還攝部鶴鳴威望素孚慷慨自命與其聽閫外之紛紛寧敗同罪何如挺身報

國作旂嘗不朽計此一說也如本兵未可輕出或遂以經畧之任授化貞另擇一深沉有謀畧者代化貞爲巡撫以資后勁此又一說也再不然直移廷弼于登萊以終其三

罪因極重  
弁是正當  
之論

方布置之局與化貞水陸竝峙各效忠猷各盡伎倆合而分分又未嘗不合此又一策也若登撫陶朗先勒令解任以聽事平議處臣謂經撫不和大半由登撫之誤經臣三方布置雖津門稍覺紆迴登萊去遼一晝夜可達出奇兵以縱四衛聯絡朝鮮以助聲援未嘗非是而朗先欲居首功迎合意旨自誇變尾爲首四路進兵橫絕海州分掘老寨剿滅可期恢復嚆手不意毛文龍之舉竟亂成算再難下手夫果有成算豈其不密告廣撫併無輕動乎是不可解嗟乎龍小小一捷固自稱奇何足深忌乃偏信反覆之王紹勳不爲救而故爲推抑人心不平全在于此且謂廣

寧徒望洋耳、不能進一步、斯亦失奇正之衡矣、今罷關先、  
逮紹勲、并查梁之垣何在、取其所齎二十萬金、及紹勲所、  
統兵、厚資文龍、

勅爲帥、以聯絡島嶼間狡黠之壯士、渙散之人情、自統遊、  
兵一枝、出沒變化、不受束縛、亦一奇也、處分既定、若更有、  
推誤、更作咆哮、

主雖冲幼、

祖宗之德澤猶新、紀綱具在、一人有命、三尺無私、勿謂、  
尚方劍專用之邊臣也、今日之事、非內外臣工、改換面目、  
洗滌肺腸、盡去格套、另做一番、而

須要從內  
下手

廟堂之上非以法從事決不能有濟又時不可待及今修  
救亦云晚矣故敢直陳胸臆如此惟

聖明立賜裁決施行毋再諉部議東師幸甚

宗社幸甚

兵部奉

旨會議先該本部

題爲遼事日危辨言日亂董陳會議根因懇乞

聖鑒以定國是以保危疆事天啟二年正月初一日奉

聖旨這會議事情知道了不必深辨並經畧官言會議未  
盡群情爾部還再同大小九卿科道官作速確議歸一來

說不得仍前含糊塞責。欽此。又該本部題爲夷情正規情形。

朝使不宜輕遣、仰祈

聖明詳擇、以尊

國體、以定人心事、奉

聖旨、東事緊急、應差官着併議來說。欽此。該臣先期發單、遍集諸臣、各書一單、公同商確。至初四日、在于中府齊集、大小九卿科道官、各有議單。臣細閱之、議主責成二臣、同以

嚴旨戒諭、俾其竭力遼事、功罪一體者、張問達等三十四

人也罷經畧還劍帶另推經畧者王紀也專用遼撫

賜劍許以便宜行事者周如盤也專責任經畧人臣不當  
不和者黃克纘周道登李宗延許維新馬逢臯也不許經  
畧脫卸應削奪職級待罪以少抑其跋扈不臣之氣者張  
鳳翔董應舉也責成二臣分任其事者史弼周希令等十  
人也撤回經畧廣寧巡撫并經畧者王永光也令各自任  
者何士晉孫杰汪慶伯也專責撫臣任戰者太常林學曾  
等八人也經臣別用或移薊鎮或召還京或住山海者兵  
科蔡思克徐景濂吳應琦江日彩等九人也經撫撤去其  
一者侯震陽也三說調停者王遠宜潘汝楨也專責本兵

出代經畧者、惠世揚、周朝瑞二人也。登萊廣寧二撫、允撫者徐揚先也。必不得已而去其一、須先撫臣。必不可輕去經畧。經畧亦不可藉口不和而委卸者。李精白也。諸臣之單、萬耳萬目、共見共聞。經撫之是非、不辨已自明者矣。而皇上必欲責成部議歸一。臣等豈敢復以責成之說含糊不決、自取罪戾。切照經撫不和、必悞遼事。人人知之。臣部求所以和解之者、曲盡而亦屢窮。至重以

明旨之責成、而其不和乃益甚。據經臣所形諸章奏者、其意必不能與撫臣共事矣。核閱臣書、言嚴君不能攝慈父、不能強、倘差官宣諭而仍不聽、不亦衰



君命而悞封疆乎、臣等再四商確、經撫既不相容、勢必重任其一、然早決而專任、卽未必萬全、十分之中、尤望四五倘不決而兩存、則萬無一幸耳、夫以卑避尊、今日之事、倘令撫臣退步、端聽經臣之所爲、然議者必以爲撫臣一撤、毛文龍必不用命、廣寧土兵必潰、西虜必解體而去、合無因撫臣之自請便宜行事、而特

賜上方劍、加卿二職銜、廣寧之事、一以委之、若經臣威望素著、受

國殊恩、豈可遽聽優游、不以畢其圖報之志、是在

廟堂斟酌推用、而非臣部所敢擅擬也、而王紀、張鳳翔、董

應舉王舜、姚思仁、蔡思充、朱童蒙、蕭基、楊維新、李遇知、  
侯震、吳應琦、王大年、江日彩、徐景濂皆主此說。其餘議  
雖小異，無妨大同。事關軍國，原非獨見之可持。言發盈庭，  
竝有二端之可執。善均從衆，採以

上聞仰遵。

明旨歸一之說，不敢含糊塞責者如此。抑臣有慨于任事  
之難也。舉

國俱不言之同心，而不敢輕決，祇爲

封疆之關係重。成敗之料億難。事后追咎，殷鑒不遠耳。使  
臣子而各躲自家之利害。

國事何賴焉。爲

國而使臣子有不容不躲之利害于

國何利焉。事係安危。只得各以其見決之。幸而中。不敢居功。卽不中。亦宜稍寬其罪。庶遇大事。尤有人肯任耳。成敗利鈍。諸葛亮且不能逆覩。而可厚望于今之人也。更祈

皇上軫念軍大計。剴決實難。

明論在廷。諸臣省議論。責成功。以爲人臣任事者之勸謹將告文且揭進呈。其諸臣議單。俟寫完。日另呈

御覽。伏乞

皇上大睿乾斷。則封疆幸甚。宗社幸甚。

遼東監軍道御史方震孺以遼局不易結遼局不容不結  
敬陳籌遼五要疏曰舊年除夜臣往河上犒軍在西度歲  
至一鼓時喊聲振動臣以爲賊兵且至急召游擊黑雲鶴  
問狀雲鶴云無他乃軍士哭聲耳河東之民望河東而悲  
關西之軍望關西而號上佳之民經年苦兵之騷擾想望  
太平而慟頻年之征戰孤兒寡嫗燒紙錢而呼天叫地也  
臣不覺傷感倍嘗撫膺几絕既而思之東事一日未平此  
哭一日未了又思自臣入遼以來每撫臣相晤但愁用兵  
既久海內供億不來故汲汲爲思乘時以結局而一時兵  
馬不得湊手又日夕恐奴之來而思所以亂之疑之以故

凡事皆有草創之意。蓋時勢不得不爾也。轉眼冰泮。奴未必來。我決于往。我決往而必勝之具。不可不精而且備。且圖省事而可久者。亦時勢不得不爾也。董謬陳五要。一曰用短不如用長。一曰用雜不如用精。一曰用多不如用少。一曰用勞不如用傳。一曰用舊不如用新。何謂用長。奴長弓矢。我長火器。昔者遼陽火器如山。盡以資敵。此用者之不善。非器之不善也。而遼將遼兵遂言火器不得力。不如短棍腰刀之便。今車營火器。僅杜學伸一營。其餘火器擺列城堡。可以爲守。不可以攻也。遼將既不解火器爲何物矣。西將習火器者。大將獨李秉誠。偏將獨譚

克從魯之由一二人夫以火器如此之多而習者如此之少自舍其長以趨短豈有幸乎則九邊

畿輔宜急選精通火器者三五十人爲教師使人人皆火工人人皆火技而別項器械止以備追勦之用方爲完策所謂用短不如用長者此也何謂用精曩者意主防奴故衆人塗馬皆可站城今一心進剿非精悍之卒豈能濟事則無用之兵量萬人以營衛輜重足矣其餘當盡汰之然汰有汰法各將先爲汰各道次爲汰而臣與撫臣而爲驗看真老弱者面上用印關臣驗印放入底精銳者不得冒替以去則有一兵得一兵之用而汰一人可省一人之餉

且不至集一羊以灰群虎之氣所謂用襍不如用精者此也何謂用少除主兵外客兵僅八萬九千有奇而自摠兵以至千把總多至一千五百八十三員矣祇緣河東新失人畏遼如虎不得不以一官名招揀之原非得已然一官有一官廩糧一官又有一官役廩從糧之糜費且不必言而役從則鎮守二百餘人叅游亦數十人次至數十人而止則有官千五百人而萬五千人之軍有名無實矣昨道臣胡嘉棟申文言官有額數軍有額名必按軍法而后軍志歸一指視不亂深得行軍之法此其意正與臣合卽撫臣亦深以爲然今冗官宜盡數汰去而擇其可器使者在

撫臣轄門侯缺委用不得干預兵事庶將令畫一而軍需餉省猶屈第一義也此所謂用多不如用少者此也何謂用專夫兵之當精練也

廟堂責成甚嚴臣等豈不知之然臣與撫臣不過一心一手耳而又東走西奔眼看手畫若逐人逐器終日簡閱恐心力有限而窮此監軍道之責也昨撫臣議定以道臣高出統北路胡嘉棟統南路牛象乾統中路三道各隸一大將將各統軍三萬人甚爲吃緊之著則三道臣自分派后宜老實各練一軍而併精核錢糧之冒破異時某一軍得捷則某監軍有不次之賞不則罰無赦而各軍有冒破之



多監道猶鼠同眠者。臣之曰蘭首道臣而次及於將領如  
是則何兵不精而何餉能溢所謂用勞不如用專者此也  
何謂用新邊道之使過而寬其前愆也因其歷練既久駕  
輕而孰熟耳比見近時光景諸臣當摧折殘敗之餘卽強  
打精神終不煥發而將士又持彈章而抑撓之威令不行  
軍法所深忌切思天下甚大豈無邊才而用人者亦須用  
其鼓舞方新之氣然後可以建功立業又思古之成功者  
不但有才亦要有福若夫敗軍之將不可言勇志高數奇  
昔賢所悲由是而推之將卒亦然蓋烏敗不復闕而乳犢  
不畏虎則用舊不如用新者此也凡臣所言皆平平無奇

救時藥石  
此其爲參

而數四諱思至奇者舉無以易此外或有奇用敵用間  
用謀臣亦嘗間一試之而卒不得其人用又不敢信其爲  
我用蓋有五要而后不得其用不敢信其爲我用者一一  
皆真實有用矣譬之匠然臣庸醫也然日在藥室中亦精  
窺一二藥性臣再爲處方方未必驗而所言曰參耆補苓  
蓮寒薑桂熟雖有蘆扁不得不爲然也此臣之所謂平平  
無奇而奇者卒無以易也伏乞

勅下部復以備經撫採擇奉

聖旨這所奏切實可行該部作速議復

河南道周邦基內修議曰竊惟敵國外患每不足爲人國

憂而惟是內地動搖、人情偷薄、其可慮殆甚焉者矣。茲者  
奴氛未平、蘭酋卒起、戍士興嗟、乎采薇勞民、致慨于萑苳  
此乾坤何等時、爲今之計、再無可証調之兵矣、而東征西  
討、其能已乎、則衛軍之釐額、當清查也、再無可加派之民  
矣、而呼庚呼癸、將何支乎、則軍餉之虛冒、當實核也、至于  
廟堂之上、收時之藥、如省議論、專責成、去私植、定  
國是、肅官常、嚴進取而已。夫巧言如簧、而築室無成、若之  
何以休明之

朝爲聚訟之世也、一人唱之、又一人和之、遂成市虎、此一  
番辨駁、彼又一番挑激、竟成口鬬、使一人之身、而甲可乙

否則進退何憑。一官之設而朝更夕改。則施爲難竟。甚則有竊人意指。不難妄言以博名高者矣。可任其翕訛成風而莫挽乎。夫問耕于農。問織于女。若之何。各有職掌。不各求實效也。局外者兩可。局內者亦猶是兩可。誰爲仔肩之人事。外者推諉。事中者亦猶是推諉。孰爲結局之時。且也苛責于人而寬貸于已。則因循者多。避罪于已而分担于人。則核實者少。甚則有不顧叫號之意。遲緩以圖報復者矣。可任其悠悠忽忽。慢無責成乎。東西南北總屬同儕。而相猜相詆。分域分担。何無已時。水火之形旣成。從旁之枝蔓愈熾。玄黃之戰一起。從中之釁漸開。甚且寧誤

國家必不肯忘藏宿真不得其解也。則同心共濟所當與  
廷臣約者也。功罪勞逸若列眉而不相蔽弃。長獲短人豈  
甘心使嘔心瀝血者有不爲之賢勞。仔肩力荷者有不明  
之罪案。甚且寧爲暗昧。必不肯爲虛公。真不得其解也。則  
伏公持平所當與廷臣約者也。從來不畏獨知者。尤畏清  
議論笑罵由人。而好官自我。不亦辱

朝廷而差當世乎。至于明知其無可逃。而拚身撒潑。任口  
咆哮。風斯下矣。方今

聖明在御。夔龍接武。誠使振綱飭紀。而禮義廉耻。不至潰  
。患官嘗不肅哉。從來抑競所以養恬。倘奔競者得志。

而株守者無聞人亦何樂于自好而不爲趨附耶至于以  
咨訪公典而任意愛憎信口雌黃爲其言臨者蓋亦難矣  
方今行取已舉麟鳳雲集但能矢公矢慎而真才真品得  
以見奇何慮

國家無英雄哉凡此皆內修之要圖外攘之至計職愚不  
識忌諱敢效其芻蕘如此

周順昌轉文選主事

四川巡按薛敷政奏報霍賊攻犯成都該職與左布政暫  
管軍務朱燮元悉心料理一時乏人不得已將指揮等官  
與世洪雷安世澤吳鳳翔吳張愷前后領兵三千名堵截

指揮周邦  
添戰賊降

冉世烘雷  
安世罹英  
戰死

蜀中情形  
一筆寫盡

險隘十五日周邦來先至資陽遇賊兵萬餘迎戰邦太下  
馬投降兵半隨半散十六日冉世烘至九泉扎營賊兵已  
扎營山上彼據高臨下眾寡不敵我兵陷陣世烘雷安世  
罹英死之張燈未及去而十八日賊兵數萬已至城下懸  
旌僭號四面夾攻放火炮燒寺觀廟宇及居民房屋威焰  
不可向通城內僅有鎮遠營兵七百名調到松藩茂州龍  
安兵一千五百餘名分布防禦職思川省夷酋雜處力單  
財匱無兵征戰即守亦難言之復與朱布政及右布政周  
著按察使林副使胡承詔戴燦恤刑劉可訓共議戰守機  
宜而適松藩叅政帶管副總兵沈崇極至留暫署兵管事

陳繼先張永恩遊擊魯美中及陝西遊擊薛來胤原任遊擊范繼道緣事副總兵顧鳳翔各官兵奮酋衆薄城晝夜攻打不息我兵用矢石砲銃飛射奮及亦既不遺餘力乃賊鋒愈熾從來內應甚多變幻危疑事機莫測賊又旁掠鄉村慘殺男婦截奪蜀府庄田米穀若爲持久計者夫奢崇明奢寅父子何物土酋敢干乘援遼之役逞亂逆之謀羶穢冠裳塗炭黔庶殘破數千里而白日至斷人煙屠戮巨萬家黃昏俱是燐火妄窺神器顯冒

天誅誠宇宙之窮奇古今之大惡也蜀中道府將官多缺寥寥臣等數員坐困圍城髮膚糜愛獨計都城不保縱九



死何贖情極呼天惟恃

聖明之拯救耳

命蜀中督撫按查勘科臣明時舉調募起釁根因

禮部給事中惠世揚奏曰會試節年題准事例業詳哉其  
言之矣但法立而弊隨事久而變生臣今摘舉一一緊要

所當申飭者陳之一正文體夫文有一定之體猶天之日月星辰地之山川草木雖極濳至變而自然之妙脉脉可  
按也水得風而生波谷受響而爲應總之不離本體者近  
是是在衡之者廣爲羅而精爲辨使天下人心翕然一歸  
于正凡離經悖註之言有類齊諧越絕者悉置不錄要之

格不傷者同不襲務思極天地精華證合

聖賢妙道斯得之矣伏候

聖裁一詳批閱士子運智于片時區心于寸管一家言不足當五色之迷也而主司冬烘苟且完事至于留連狎飲徹夜懽呼沉醉之際以魁元相許直至末場本色盡露而后易之鄉場嘖有煩言會場當以爲戒也

國家取士三年一舉選擇而使各宜盡心臆裁與分考皆以閱卷爲事細看細批卽二三場亦皆批閱到底揭后查各房之卷有全無筆迹似未經目者叅不待言至塗抹數句着一不相干批語似看而實未看者亦必重加叅治庶

可服士心不負

朝廷任使之意也伏候

聖裁一禁撓越夫門生故友誰則無之但統以

君父則私情不敢徇也每見無行之士揣摩某官入簾預  
拜門生討題目通關節多方營求期取大物而貪橫考官  
爲其所餌遂于場中託言搜卷巧取私人肆行凌逼淆亂  
大典如庚戌之事至今爲世道之蠹今欲痛懲其非不許  
隔房撓取摠裁慮及遺珠或可從公搜閱得一佳卷卽付  
本房叅酌批詳以示無他而別房不與賄賂之風可清也  
伏候

聖裁一重后場。夫后場之當重也。言之屢矣。而衡文者但取成乎篇章。不論通達時務。甚之才情學識。有不逮人止以頭場取中。遂爾畧其所短。而不知空疎無用。如台臣余令中所慮。今天下非無事時也。俊猷戡亂。斷非摘句尋章者所可勝任。是在各房考加意表章。俟揔裁于每一房中。特拔數卷。風勵廣示。中當必有經文縮武之彥。持先資而奮勵者矣。伏候

聖裁。一信功令。查往科條陳謹門禁以防傳遞之弊。勤搜檢以防懷挾之弊。慎彌縫以防鍼眼折角刺頭裁尾之弊。嚴謄錄對讀以防湊裹探花插換搭配之弊。功令至詳且

明而人乃故昏視之無惟乎鬼域之易行而議論之滋起也。今當責成外簾官務要任怨任勞各盡職掌以釐諸弊而于彌縫各役厚其工資繩之以重法使之懽然樂爲凜然不敢犯而謄錄對讀尤當申飭何也。謄錄生于先后巧拙間用通神手段不可不破其奸。對讀草草往往悞事故在此時當取附近州縣曾經考劣年壯而目力精明者爲之果能用心對讀無差落且無弊端事完之日社青復附增廩免停降否則同各官一例叅罰伏候

聖裁一速題紙近科第一場多至日出散題二三場有遲至辰后者蓋緣訓語衍長鏤板爲難而主司過于慎重失

之大晚諸生銳氣全在于朝至辰后銳氣已消大半且呼號搶攘群集至公堂上滿院如狂亦大非體合無內簾臨場前晚戌刻卽行鏤板黎明早散至其開防慎密毋致露洩則在監臨及主考耳伏候

聖裁以上六款在職等循故事以請欲收真才爲

皇上襄維新之治至力而行之在有事實興大典之同効公忠以光文化矣伏乞

聖明俯賜採覽

勅下禮部施行奉

聖旨這所奏科場事務切中時弊着嚴行申飭文體屢經

釐正竟不遵行。今歲省考官每房各搜舉一卷，離經字註及文辭，惟誕着于揭榜日，送部奏請參處。如容隱不舉，着部科查明參奏。該部知道。

時臺臣李日宣請添房考科道一體入簾，大約以十三道與六科體統相等。科臣入內而獨遺臺臣于外，非所以平科道之觀也。且各部尚得同館科而入，何獨于臺臣而遺之。此亦二百年來未有之正論也。

御史高推進無逸說，精講學，勤庶政，戒逸豫，詳召對，親圖史，看章奏，軫怨咨，明法度，惜人才，崇節儉，而致君堯舜，則其要尤在于宰相諫官加之意焉。

京營戎政右僉都御史李宗延上言，臣見遼東告報聲息甚急，隨于十四等日會集京營大小將官講武，臣防禦

良策因思今日之最囂凌最渙散者莫如京營之人心今日之最頹弊最頹靡者亦莫如京營之士馬臣際此時安敢頃刻而忘惕勵之思又安敢頃刻而忘整頓之舉哉切照京營自昨歲以來總督陳良弼侯代半載舊協理許弘綱告病漆宗濬殞身而新推之饒景暉被人彈射是一載無總督二載無協理刑部尚書黃克纘署協半歲卓有成功但終以目覽萬姓之爰書手裁四海之獄訟而精神有餘職掌少分矣以京營之官言之總兵楊愈茂副將郭欽等叅將金汝佐等遊擊殷體信左擊段應龍等坐營張萬春皆相繼升去其餘號頭中軍千把總等官百方營幹謀



求外升。新升京營副將等官，所留外任，不肯內轉。夫京營之官，陵替如此，尚得謂之有官乎？以京營之軍言之，每軍月糧糴不堪食用，一石仍加碾銀四分，兼以抽扛腳錢等費，凡用一錢，貧而預賣者，米貴得錢二百八十文，米賤得錢二百二十文，是一月辛苦，止獲糧餉如此，且掃雪扒沙，以排門關宿，毫不敢緩，搬運胙祿軍器，擡送銀兩火藥，時不敢停。此京營之軍，苦累如此，尚得謂之有軍乎？嗟，此時何時興言及此？未言先淚。今除工部所進收入，覲盤甲器械，係借過京營者，職已具疏請還，其中推山東河南春班京操路近二萬，速推入都，大加整練，以備緩急。

撥用、其箭樓、滾水雷石炸砲水斗等件、俱前有成畫、俟臨  
時查點料理、無容再議外、惟是城外舊有九營、外以捍虜、  
內以守城、最爲緊要、且最當預講職謹于九營之中、復陳  
三事、其一曰、營車之當置也、營車者、卽職之所謂金木水  
火土谷六府車屯以車環以溝環車、車中實土、上列水桶、  
中載追風翼虎等砲、毒箭弩弓等器、大約五層、可放十次、  
車之內步卒六人、馬兵十人、車之外、火輪炸砲、潛埋暗發、  
營有此而後、可以無望塵奔潰之虞也、此一事也、其一曰、  
營臺之當建也、每營建臺一、高三尺、廣半之、更鋪望樓、連  
絡布置、步卒火藥臺上射打、馬兵利便臺下冲擊、既可蔽

馬兵兼可獲步卒我俯制敵敵仰攻我營有此而后可以無隨風披靡之患也此一事也其一曰營牆之常築也每營築牆牆濶六尺面廣四尺身高一丈上列子牆十步一堡百步一樓四門啓閉塞以戰車牆中藏軍附近民移入牆中既可衛軍兼可衛民營有此而后可以無臨時瓦解之慮也此一事也至于每營京卿一員大將二員紀功御史一員司餉主事一員皆至期分守各有司存此九營三事之大槩也夫京營之官儒而兵弱天下所知本不能戰然至于封疆失奔而使京營之兵戰于城下則天下大事可知况戰之機鬼神莫測戰之情轉弱難定非河逆時預

陳故臣且未言戰而先言守并先言以九營守城以三事守九營之畧懇惟

皇上勅下該部及總協諸臣于前三事墻用于外臺築于中塞以戰車實以軍馬講求妥確竭力盡心亟爲修整腳根既牢則勇氣自信然后戰勝可期至于臣衰病之軀竊祿戎銜將一載茫無寸晷當此多事之際安用閑贅之人或放歸田里別簡賢能添設協理庶壁壘一新不至以兵爲試而以社稷爲戲也奉

聖旨京營重務屢旨整飭未見奉行這所奏三事及總督官等項着該部作速議覆李宗延還協同黃克纘用心料

理不必辭

遼東巡撫王化貞以奴衆臨河欲渡官軍擄命相持錢糧匱乏饑凍可怜上疏請速發餉銀并補還川虜銀兩以保殘疆其言曰年前十二月二十六七等日偵者報海州用沙土墊街臣知奴有西犯之志已暗行部署戒嚴頃之報奴于二十九日大宴群賊發勾梯戰車赴海州初一日陸續俱集海州矣時摠兵劉渠駐西平飛書告急職于初二日盡發義勇五營及職標兵往一面請于經臣一面分布前茅后勁及左右翼復申以號令有退縮不前讓賊長驅者將士皆斬先是虜酋密請于職欲東擾奴職以

廟堂多言虜不宜用而戰守又無定議不便令其獨進止之今奴報緊急不得不令之往除十二月十四日先到萬餘騎有鉄甲三千餘綿甲二千餘無甲者五千已經臣按臣差官查驗外其續到者或言二萬或萬餘茫無定數因遣同知萬有孚親往犒之得以知其多寡強弱之數據報虜兵彌漫山谷爲數甚衆但近來無草馬瘦者多祇挑精騎七千劉世勛卒遼兵一千監之以東職誠之曰遠偵緩行聞奴過河卽急擊之又令副將鮑承先率軍于大黑山一帶夜多燃火以爲疑兵奴必畏懼不敢進惟柳河之兵尚覺巢薄恐奴乘虛掠復移書鎮道將杜學仲車營江

朝棟步營，預置河上。太兵連絡其後，驍騎伏其兩傍。以周守廉羅萬言之，哨卒過河誘之。奴若隨來入吾算中，可以大創。奴若不來，亦必與吾相持，不敢輕渡柳河。是謂以戰爲守之意。各道以爲得固吾圍足矣。而誘其來非計也。遂止。今奴騎數百至柳河，有回卿百餘人驅車牛以來。將至遇奴騎縛之以去。周應乾聞之，卒兵追趕三十里，人畜俱奪回。斬三級生擒七人。以來奴知我有備，亦不敢犯柳河矣。復遣人追諭虜兵及河而止，勿深入。蓋我兵既不進，不可使虜獨當之也。職料奴左牽右顧，必不敢入。惟是我之防禦倍宜慎。茲將士皆枕戈坐甲以待，辛苦萬倍。雖糧料

幸足然荒涼無人之處鹽菜柴炭之數非買之鎮城不可得十二月糧銀尚多未給至食舊餉之軍八九月餉亦屬烏有忍凍餓嗷嗷哭訴不忍見聞河上之軍賴

皇上賜牛酒銀兩按臣復于歲杪馳往慰勞西平哭聲按臣猶以爲聽之腸斷而本地之軍既無本色可食又折色缺乏數月皆擁訴職聞而泣職以書達之餉司郎中付國求其速發本官回稱庫門不封者已半月矣舊餉欠四十五萬部裁不發國勢不能有生已熟計于自經仰藥兩者輕重之間矣又曰惟坐待脫巾以取信于敵部耳職不得已將兵部解到賞功銀計五萬兩借給餉司十三萬一散



而盡稍濟目前。然所欠既多。又值米珠薪桂之時。枵腹索哺。衆怨如沕。餉司以此稱病不出。惟俟急則就死。亦可怜也。在餉司一死。足以塞責。在職有封疆之計。非一死所可了。每有籲請戶部多不之信。惑于人言。謂新餉併以媚虜。及侵盜者。職以催冊未報。不敢一言自明。全冊俱催完業已咨送部科。聽其查核。中有冒濫批裁。屬職掛號。屬各道支放。屬該廳各司。其責無所逃罪。若其非濫非冒也。望戶部爲危邊之臣一注思也。至舊餉屬河東者。雖已損失。河東之兵原少。又食本色。應支折色。不過一十五萬有奇。而兩次加添。反比舊數增二十三萬有奇。今以河東喪失之。

故裁餉之半不發至欠四十餘萬河西之兵本以防虜今又以防奴勞苦過于新兵而使之數月無餉邊臣何詞以謝諸軍況於兵部之銀原發爲用虜之需今除招兵買馬外盡以給餉虜王且至賞餉之需俱應預備戶部應如數補還庶濟緩急且從古軍中之費不止一端今一庫如洗一切雜費難以爲槩卽如近日小車擁至口袋立絕無銀可買鎮武等處收貯糧料須用二千領本處旣不可得欲買之關內無銀可發事事妨悞事事艱難點金無術職安所取給伏乞

聖上勅下該部作速解發除新舊餉外仍將借用兵部銀

用意在懲  
前發後力  
請先修先  
廟寶錄使  
是非早定  
尤爲草議

補發前來以備緩急之需職無任激切懸望之至

禮科給事中惠世揚奏曰臣惟有一代之興必有一代之  
史。有。一。代。之。人。文。乃。有。一。代。之。著。作。史。固。生。殺。予。奪。之。要。  
領。而。人。才。則。是。非。邪。正。之。必。不。容。假。者。也。頃。見

皇上允閣臣之請命纂修

兩朝實錄業已題官開館次第舉事料難草草臣禮臣也  
有慨于中久矣敢不避忌諱一罪其愚以相道明君道以  
光宗之苦頌

神宗之美乞

皇上垂鑒焉

光宗

神宗之元子也。計卽位冊封自

萬曆丙戌至庚申三十五年初壽四嗣。彼僅一月餘耳。其間事故人情反覆變態有筆不忍書者。而其禍根則自進封

鄭貴妃始。夫

鄭貴妃之

先王恭妃而進封也。在

神宗不過一時寵愛之情。卽于

光宗請冊立不報。請儲講不報。亦不過再三慎重之意。而

諸臣爭之不得。若沈鯉王家屏姜應麟丁懋遷等相繼被斥。諸奸遂窺其微而思有以中之。密揭繳還冊立之

詔。以爲意不必急者。

也。向非羅大紘險佞病臣。依

回固寵之疏。則事不可知矣。密揭三王竝封逢迎

貴妃意者。王錫爵也。向非馮琦援

祖訓以折之。鍾羽正等正論以叅之。則事又不可知矣。借

國本攸關。以害沈鯉郭正域。因之搖動國本者。沈一貫也。

向非

宗社有靈。儼生光死。不肯承認。事又不可知矣。

福王之國。賴密勿老臣苦心定策。而言官勅孫慎行爲人

臣不敢居之功就中主張之者方從哲也自此而荆聶之  
流岐黃之術屢試毒手從哲曲爲之庇今且黃緣起川事  
愈不可知矣職痛

先帝四十餘年備嘗艱難險阻因思

皇祖之神謀大畧亦卽于善處家人父子之間見其大端  
切意實錄之修在此時一則速完

光宗之錄一則徐完

神宗之錄何也

神宗享國長久事難卒攷。

光宗極古今未有之變當三朝鼎革之間善政固多雄摹

未竟且大漸彌留之恨至今傷心。既沒紀元之稱。從來僅見而移宮一事曾經。

皇上處分昭示中外。不逾年而是非變亂。朝端且然。何論天下目前。且然何論後世。

先帝始終苦情勢必參差。鏘滿而難爲。

先帝之人如沈一貫等。贈謚兼加恩廕。濫及非所以別忠邪而昭勸戒也。去年詹事公鶴請修。

光宗實錄一疏。忠義勃發。職甚偉之。至欲倣效韓愈所作順宗實錄於理于情尤爲允當。此卽宜卽令公鶴專主其事。又令孫承。

宗互相商訂而林下之賢通達國體饒有才學如李邦燿喬允升及時起用加鄉寺職銜協佐其事庶幾計日成功是非可以不謬也若稍有差謬職得據所見聞明爲較正豈但成一代之信史且以廣

皇上孝思早慰

先帝在天之靈視之悠悠忽忽故意遲揆待故老凋謝而思以裨說亂之者功相萬也惟

皇上俯從職請立命閣臣輯名臣奏議及海內遺書付史館先修

光宗實錄既成而後併力于



賊情民情  
了于指掌  
救益恢論  
恍于聚米  
至于先告  
戒速征進  
可謂仁義  
之師矣

神宗實錄用以懲前毖後寒奸雄之胆銷肘腋之憂關係非淺鮮也

南御史趙世期奏言臣見邸報累累蜀之東南及西皆殘破陷沒所存者僅川之北竊料酋之兵馬能有幾何迺敢馳于東騫於西入於南分投別遣披猖至此此皆各州縣不逞惡少無賴窮民展轉爲崇當賊未至已流言恐人至其逃竄而窺殷實之藏及賊一至遂倚草附木隨入行伍而助兇殘之焰是民變憂方大耳此時計蜀中之大小諸臣

廟堂之長慮却顧與新督臣到彼一着迺吃緊耳速則大

兵一至。依附之民。必自逃遁。亂民散而亂兵之勢益孤。終歸於散而已。不然。久入其黨者。處騎虎之勢。既尾大而莫棹。卽未入其黨者。受流離之苦。亦饑寒而思動。禍可勝言哉。且最可慟者。蜀之民。無他生計。惟耕田耳。今轉盼

春深矣。人皆流徙他鄉。潛藏林箐。不得安入家之井行播穀之事。一春不畊。終歲何望。恒產自亡。何地不可憂。何人不可憂也。且數月伏匿于山澤之間。凍餓于霜露之下。望大兵之來。何啻雲霓。遲則謂

朝廷弃我矣。毋論空城之民。不得寧家。卽充城之民。亦難久持而生疑畏。故曰速之便。顧解成都之圍。與重慶其道

二成都賊在城外。城中有備。且無患也。儘力殺之。有功無損。重慶賊在城內。吾民如借虎狼而處。負荊棘而眠。縛之急。則屠戮不可勝矣。故拙于解成都。當巧于復重慶也。然其法亦只有一。賊住重慶。又掠成都。中間榮永隆。洎則脈絡也。屯大兵於資簡之間。賊不斷而爲二乎。賊面西。吾由資簡以攻其背。勢必轉戰向我。成都之兵躡其後。此一鼓而盡殄其醜類者也。由永川以壓賊之肩。賊不爲死守計。則有涉江遁耳。忠涪之兵挫其鋒而絕其歸路。賊寧有幸哉。故曰巧于復重慶。不忍吾民肝胸塗地也。雖然。賊何足道。卽食其肉而寢其皮。有餘辜者。獨無知愚民。或爲賊誘。

或迫於挾從。使之駢首就戮。自新無門。不忍也。故兵刃既接。不免玉石難分。不若告戒先施。使之悔悟及早。或令其投戈而歸農。或令其殺賊以贖罪。或令其內應而陷陣。開其一面。令得自新。約爲三章。示之福福。既不桀殺以傷天地之和。或可使過而得一臂之用。民散而首解有期矣。然此時廟算其密定已如斯。而遊寬小醜。頭顱僅寄項上。原無足慮。惟是蜀爲天下險國。此處一失。其憂不小。其土地人民五。越月。在刀鋸中。不知如何。過日早收伏。一日民受一日之福。脫一日之難。故惟以速之一着。上請伏願。卽限督臣刻日就道。以靖大亂。至相機制伏輕重布之。俱屬不

簡書將是  
行師首事

可選度臣亦不敢資

天聽矣

南臺御史歐陽調律奏舉將才疏曰督臣文武壯猷沈雄  
備畧運籌決勝恢恢乎有餘而摧鋒陷陣整師擣旅將爲  
政卽昔年播酋初甚猖狂一聞劉鋹而賊胆遂寒惟其威  
名素重耳然猶有大將陳麻諸人而叅遊偏裨不可勝紀  
今推轂專閫者楊愈懋一人也仍宜再簡宿將以先聲奪  
彼之氣則李懷信素稱忠勇海內知名雖託遺矢實堪據  
鞍且自秦入蜀道里最便惟

陛下嚴檄責成彼分何所逃者至于誠意伯劉蓋臣素饒

議將

議兵

議餉

謀畧大有肝胆，已經監臣戴君恩保舉，合無令其提兵楚蜀之間，控扼要會，得此二將，一從雲棧走劍閣，直薄成都，所謂建鈴之勢，一乘長風破萬里浪，居然虎豹當關，謂賊不望風而奔竄者，臣不信也。將誠重已，乃我旣無兵可恃，而專倚土司，在我則有狼虎之虞，在彼亦有狐兔之忌，非勝算也。今計微回，援兵萬餘，薛來胤招兵數千，臣鄉太常倪斯蕙亦云，倡鼓義兵萬人。劉贊臣又素知忠勇之士，不難立致萬衆，更得督臣原募兵萬人，携行合之，可數萬，儘足制酋死命，但懇

皇上憫念西蜀公私如洗，慨然再發帑數十萬，星夜馳解。

充餉以保無竭澤并免脫巾耳兵食誠足捷伐無難然待其備而後圖之已無及矣

二十日奴酋過河御史馬鳴起固神京疏曰惟逆奴犯順五年于茲矣而時東不守共慮一旦長驅得稍緩旦夕可以經營料理及奴酋得勝戀巢此正投我以日時也令任事之臣勿虛驕勿恃氣收集殘卒召募近畿不侈口三四十萬以騷擾天下縱逆奴未卽撲滅決不至復開西蜀之叛逆矣又令同事之臣勿輕信勿躁功練兵選將固守以需庶幾有備無患亦不至互川勦鑿而開戰守不和之內難矣又令操筦東拒有遠見有偉畧羅蒐天下之奇俊而

拔任之卽不然採封非精擇人言而急施之規爲當有次第。不至以人國而僥倖矣。奈何世無可與之人事無真切之謀。日復一日悠悠泛泛延至於今而無兵無將猶故也。朽甲鈍戈猶故也。信地空虛猶故也。向謂河水將泮虜必渡河。今冰凍未解傾巢而至。摠兵劉渠落馬。大營遂潰。岌乎殆矣。不可支矣。萬一廣寧動搖。則山海前後風聲鶴唳。皆爲無人之境。

皇上試召舉朝臣工。賜以明問。萬一蹂躪深入。何策以待之乎。今兩日俱無塘報。聲息似乎斷絕。河西存亡已在呼吸。令右屯重兵互相策應。想彼中勝敗已分。不能及矣。惟



督臣王象乾提重兵而鎮山海、未見發程、封疆何事存亡、何時可濡滯觀望至此耶、宜嚴爲申諭、責令移鎮、以兵備張朴爲監軍、此萬萬不容緩者也、總督旣鎮山海、則薊鎮密雲前時爲虜寇進入之地者、豈可緩防、須用謀畧大臣知兵黃克纘、王在晉選擇一人行邊出鎮、以爲山海後援、至一片石、古北口等處、各屯重兵、以備不虞、如南兵部主事何棟如、原有請纓之志、今正見奇之秋、職同官、鄒復宣所募浙兵、原爲東敵之謀、其所召集、盡到通州、而棟如見抵京師、似當專勅兼統前進、屯于薊密、爲山海後勁、此萬萬不宜緩者也、至京城犖轂、亟宜分地設防、各扎營數處、

每營川兵數千互相犄角擇勲臣大將統之而以李宗延  
爲提督蓋京營素爲訓練士卒相習允爲可用此斷斷不  
宜緩者也至城中奸細不可方物聞神棍

十百爲

群禦人通衢慙不畏死安知非劉保之輦閃爍變幻而不  
可問者乎宜勅五城嚴加訪緝庶人心安而根本固耳夫  
狎禍者貽譏于處堂之燕臣謂此不足以喻之也處堂之  
燕火焚棟焚鼓翹奮飛便可全軀遠害今四海奸徒蠢蠢  
思亂大似釜中之魚火未及燃忘爲江湖不知禍至之無  
日已職小臣也徒懷赤心制禦無權惟以鄙衷上瀆乞  
勅大小臣工救焚極溺被髮纓冠勿再委頓則宗社幸

甚臣民幸甚

兵部接出

聖諭賞格

聖諭朕覽屢次奏報奴酋渡河迫近廣寧深軫朕念中外一切防禦事務爾部即便條奏施行仍懸示賞格但有智謀勇畧建立有功擒獲奴酋者封公酋子者封侯俱予世襲如擒獲各頭目及叛逆渠魁亦准封伯賞賚有差其賊中有能用計效順獻出酋首併各賊一體封賞決不吝惜故諭

御史林一桂奏請

大駕親閱勞軍欲以破積玩而肅軍容勵人心而寒賊胆

也。

兵部接出

聖諭朕覽章奏逆奴狂逞山海薊昌等處已嚴行防禦其京畿官民人等恐有惶惑動搖該部便移文五城廩衛督捕各衙門多方布置旗尉番快人等晝夜巡緝密行體訪緝獲奸細仍出示曉諭各宜安靜都重二城居住人民不許擅自放火炮致生事端如有不遵的拿獲究治仍令正陽等九門併永定等七門守門員役啟閉照常差官將各門直日官軍查點不許顧覓頂替搪塞如違從實叅處盤詰搜閱務要加嚴如有異言異服面生可疑之人即時擒

拏具奏其灰石砲鏡等物多行預備所有外來及在京商賈開設舖面照舊貿易不得關閉思歸以致遠近驚疑嚴衙城捕仍嚴行禁諭各官有搬運家眷的叅來重處會試舉人私歸着禮部查奏除名逆首罪貫盈神人共憤朕仰承天眷憑藉祖宗威靈期與臣民力行殄滅一切爵賞朕俱不吝凡爾臣民宜體朕意故諭

兵部尚書張鶴鳴以河西瀕危自請視師奉

聖旨覽卿奏具見爲國忠心朕甚嘉悅加太子太保賜憐衣玉帶還與尚方劍行事王國琛升總兵何棟如升大僕少卿贊畫帑金准發三十萬兩速解至山海關應用諸戰

守事務卿與總督王象乾悉心計議便宜行事卽仍上緊  
星夜前去餘俱依擬 題差中書沈自省等五員解紿  
協理京營戎政兵部尚書黃克纘條上京營急務

一議備官照得三大營每一營各有付將一員共六員  
今見在止有三員此官乃各營領袖如五軍一營則五  
軍之二三四五營屬其統率六營亦然此豈可久曠之  
官合于五軍一營添設總練火器付將一員以備官署  
營之用候建夷平定方復其舊又各營參遊佐坐至三  
分之一已升補而未至者甚多往時則一官可攝二三  
營今非其時矣列營城外及領軍營俱苦乏人當聽  
臣等咨部于號頭中經屢荐者推周庶營軍有人管領  
緩急不至誤事矣一議增城守軍查得三大營遇有警  
振則列營城外舊存營盤幾處每處用兵七千人除照  
舊外其城守每梁只派軍二名今宜待班軍至每梁編  
一名仍行五城御史查住京有身家者每梁增編民夫  
二名庶有急可分班輪守一議築堡牆近議協理會都  
李宗延疏請營盤各築土牆甚當但築之若太長廣則

難卒就合議定每所四面各以百二三十丈爲率長短  
廣狹通融折算不得過五百丈築土牆高不過丈卽于  
牆外開溝濶一丈二三尺深一丈其土卽用以築牆其  
工費似當資之二都每小堡不過費三百餘金若營中  
有操賞餘銀則令營將量造土室二三百間以爲各軍  
容身之地平居無事每夜各撥軍二十名看守有事則  
令營住扎其中庶不至暴露無栖一議浚濠查得京師  
城濠近經二部開濬視舊時挑濬儘爲用心然終屬欠  
深可乘春雨未降于濠心再開一深溝濶五尺深三尺  
若有水時則人難窺淺深其土須挑入短牆內庶雨至  
不復填濠一議軍器照得營中軍器如臣所造呂宋大  
砲守城鉄斧及南京紅柄刀大佛郎機與買到稠木棍  
凡此數者已被遼東取去三分之一而紙甲之料亦爲  
工部借解未還各州縣朝覲官帶有帶軍器械合容臣  
差官赴工部揀其可用者盡數取發各營以爲城守之  
用一議教習火器查得營中每次操演畢只較弓箭行  
賞罰而試火器者十無一二今既添一副將專管銃砲  
每操日隨協理入教場盡將是日應操火器手調至官  
廳前令付將較之盡一日之長每中一彈賞銀五分其  
補雙料選鋒及石半壯丁時每五名補砲手一名箭手

一名鎗刀手一名皆以精熟多中爲主使人樂于習技  
非總協會同面試不許徑補蓋弓矢奴賊最精而我以  
其所短禦其所長決不能勝惟多練火器守城則列于  
城下扎營則列于軍前庶幾可以勝之一議給硝磺查  
得工部新造火藥軍士若不堪用臣在營乃另造有二  
十三萬斤收貯庫中僅可備守城之用至于常操則不  
能給也今議會工部官用心督造必要堪用每春秋操  
照原數給藥一半其餘一半給與硝磺聽總協委官領  
來另造夜時庶不至虛費錢糧一議防奸細照得建賊  
日迫恐有奸宄潛伏城中當令五城兵馬挨戶編立十  
家甲冊將男子十歲以上姓名俱列其中富家貴室不  
得遺漏而寺觀僧道房亦令住持各照房號編定無得  
遺漏如有不事生理踪跡可疑者令保甲赴城簡舉至  
于巡捕營官舊止巡檢科道舉劾而總協則否今應並  
聽總協舉劾庶可督責盤結不至有意外之變一議取  
還車馬照得營車工部發而不造久矣兩年間又被取  
去赴遼三百餘輛近聞工部造完在演象所有二百輛  
可卽抵還又于承恩寺造而未完者有數百輛可催令  
星夜造完發營至于營馬去秋被經畧熊廷弼取與軍  
騎六千匹卽留在貴寧今宜令太僕寺速補還京營庶



軍士戰守有負以上數款乃今時守京急務其餘補足軍額及千把等官臣等總協科道勤于操練皆可以徑行者不敢盡實也伏候聖裁

### 薊遼總督王象乾馳報遼變

其疏曰臣聞遼左之變急行各撫鎮臣征調兵馬收拾器具以備戰守又聞東來遼人傳說奴酋攻西平堡未下劉總兵與劉參將殺賊數千賊離廣寧三百里外未敢西犯及御史方入城下道劉渠列戰殺賊甚多與臣所聞相同臣隨出大興三面俱自山海一傳至德州一傳至大名一傳至宣府曉諭居民使知奴兵已退毋使驚惶潰兵商民之至開外者彌望遍野臣出大興幾面傳諭分列各鎮兵馬營人各另屯劉靜聽放人毋驚毋擾二十五日據臣差出旗牌官黃進忠等口稟前往遼東行至中途被遼民假粧西虜沿途劫掠將進忠等隨帶夷漢丁兒徇亦等俱打傷本月二十六日午時又據至臣差官口稟潰兵滿路填塞前途幾爲所殺今月死前來投取及臣聞經臣手書大約稱今番逃兵與前番不同持刀騎馬劫掠殺人須放以關以免激變至于

西歸者應盡數放入、彌罪過已極、若保得十餘萬生靈入關、亦足消穢、况係

朝廷二百六十餘年愛養赤子生靈、叩關而返、仍爲大羊、此

冲聖仁慈所不忍聞也、等因、至本日申時、經臣進義羅城、臣與部道諸臣語、大約稱遼軍逆潰、總兵官劉渠陣亡、廣寧城內人民荒亂、不順虜者奪門而逃、順虜者封府庫、封火藥庫、生員百姓俱已剃頭、設龍亭、欲鄉鄰臣王化貞迎賊、有西將江朝棟聞之急入、化貞臥內、化貞方檢書、見之大怒、呵責之、朝棟急拉化貞曰、事急矣、快走、快走、化貞趨出、所養馬匹皆爲叛賊盜去、有名將送化貞七匹、家人半多徒走、化貞有行李四箱、以兩駱駝馱之、行至城門、爲叛民所阻、曰、你去不得、奪去一馱、化貞曰、此皆往來書札、無他物、群賊改聞、果無所有、叛賊照化貞打來、將隨行親戚一人頸面打破、化貞幸未之傷、有將官江朝棟等數十人、馳至持刀亂砍、賊散、化貞得免、其不從賊者又與亂民廝殺、從化貞至開陽驛、與經臣商議、務保此數十萬生靈入關、不忍以祖宗撫養赤子、淪于左袵、異日化爲夷虜、且以益奴之強、而惜我之敵也、沿途遼人數千、假扮西虜、且截却掠

于前屯崇前等處逃難遼民不得前進職領兵殺戮擊  
下被虜婦女財物給與各主及收拾沿途潰兵所棄甲  
伏與逃民去棄幼小子女不計其數經臣恐軍民內藏  
有奸徒利開倡亂身率親丁馳至關外彈壓收其兵伏  
以次放入撫臣恐人心驚提與寧前道付使張應梧特  
殿後等語又傳說廣寧寧前各道將領諸臣俱陸續  
到關容另查明再報謹將情形先具疏飛馳以聞  
吏部奉卓異諸臣布政洪翼聖俞自強洪世峻按察史  
陸完學程啓南王豫立郭尚友張爾基叅政啓爾達李  
成名劉洪英沈自彰魏說王化行副使盧英田徐如珏  
真憲時叅議宋繁知府沈萃顧孫昌裔徐從治王城方  
應明黃元會

上諭部院堂上官吏科都給事中掌河南道御史引奏  
面加獎賞吏部紀錄卽與不次擢用

禮科惠世揚摘叅場弊

辛酉秋闈大可議者南京則有高如麟已經彼中當事  
卽時糾發矣順天則有二十九名張惟勤文亦相通情  
難控揣獨其家傳不善便于作奸且發覺卽勤之親甥  
謀係勤之友有指表中切惟上爲關防者又有言主考

之添改批語似有別說者已經法司提問不知得情與否又順天府中式第一百二名查廷櫛首場七義聊可支吾但磨勘及其七輩大抵皆順手直書每一草塗抹教言其改註于旁仍于所塗抹者一字不異長安賁噴多口謂櫛囊有藤金胸無片玉場中文字的係買人代筆揭曉後爲積毘踪跡得此遂熒夜至櫛所蘇騙其一百八十金以去櫛以此深憂甌破狼狽南奔試卷明有機關人言伏爾嚙切宜急客提問以信三尺浙江第四十三名錢千秋三場清爽似不難徑授高科磨勘其首場七義每一作煞尾一字牽強支離及合七作七字順序談云却是一朝平步上青天一語執爲關節似亦無辭

兩朝從信錄卷之十一 終